



Suliffeqarfissuarmi ileqqorlunneq akerrililersorlugu politikkerineqartut

Suliffeqarfissuarmi Polar Seafoodimi niuernerput inersarlugulu naleqquttumik akuerisaasumillu ingerlapparput, tamannalu pissutigalugu ileqqorlunnermut aamma akiliilluni peqquserlutsitsineq akaarinagulu paatsuugassaangitsumik isummersuuteqarfigaarput.

ISUMMAVUT

Akiliilluni peqquserlutsitsineq

Suleqativot illuatungerisap aalajangiinera imaluunniit pissusilersuutai sunnernerlugit siunertalimmik arlaannik nalilimmik neqerooruteqassappata, imaluunniit nalilimmik tigusaqassappata akuersaangilarput – tamannalu atuuppoq aningaasaappata, tunissutaappata, sullissinermut tunngasuuppata, kiffartuussinermulluunniit tunngasuuppata.

Kissaatigivarput pisisartutta nioqqutissaativot akia aamma pitsaassusaa pissutigalugu pisiarissagaat – imaanngitsoq akileratsigit taamalioqqullugit.

Tamanna assingusumik atuuppoq, uagut nammineq nioqqutissanik, kiffartuussinernik imaluunniit pisiniaartut imaluunniit suliffeqarfissuup Ingerlatsiviisa akornanni niuerniarutta.

Akilerlugu akuersisitsineq:

Akilerlugu akuersisitsineq qanorluunniit isikkulik – toqqaannarpat imaluunniit inuuk pingajuusoq aqqutigineqarpat. Tamanna atuuppoq nunarsuarmi sumikkaanniluunniit, imatut paasillugu uagut sumiikkalaruttaluunniit aamma qanorluunniit najukkami inatsisitigut inerteqqutaanngikkaluarpalluunniit. Akilerlugu akuersisitsineq nalinnaasumik aningaasanik annikitsunik atuilluni ingerlanneqartarpoq, tamatumani

siunertaammat suliap pineqartup pilertortumik naammassinissaa, tamannalu uagut akiliilluni peqquserlutsitsinertut isigaarput.

Tamanna pissutigiarlugu akiliisarnert nakkutigineqaqqissaarneqartarput.

Tunissutit:

Tunissutinik angisuunik aamma oornik aningaasanngorlugu akiliitut tunniussineq ajorpugut aamma tigusineq ajorpugut.

Taamaallaat tunissutinik oortaqanngitsunik aningaasanngorlugit annikitsuinnarmik-pingaarnerusumillu takussutissaanerusumik naleqartut inussiarnisaarnerlu ileqquusartullu tunngavigalugit tunniunneqartartut, akuerivagut.

Tunissutit tunniunneqanngisaanassapput imaluunniit tiguneqarlutik imatut sunniuteqartigissappata tiguisusaaq aalajangersimasumik niuernikkut aalajangiitissallugu.

Ilassininnerit:

Suliffeqarfissuup Polar Seafood'i ileqqorissumik, s.a. suleqatigisartakkat peqatigalugit nereqatigiittoqartillugu imaluunniit ataatsimiinnerup kingorna najorseqatigiilaarnermi peqataasinnaavoq tiguisinnaalluniluunniit. Kisianni akuersaangilarput annertuumik nalilimmik ilassinittoqassappat – s.a. sulingiffeqarluni angalanermik tunissuteqarluni.

Politikkikkut aamma ajunngitsuliornikkut tapiissutit:

Partiinut politikikkut suliniuteqartunut aningaasanik tunissuteqartanngilagut, kisianni ajunngitsuliutinut siunertalinnullu immikkut toqqakkanut tapersiisarpugut.



Ajunngitsuliornermik siunertalimmut tapiissuteqarneq tunniunneqanngisaannassaaq nioqqustissiatsinnik tunisineq qaffassarniarlugu imaluunniit allatigut niuernikkut siunertalimmik siuarsaaniarneq tunngaviussappata.

Soqutigisaqaqatigiinni assortuunerit:

Naatsorsuutigivarput, sulisuvut tamarmik nammineq silaqassusertik aalajangiisinaataitaanertillu atorluarlugu nammineq soqutigisatik aamma suliffeqarfissuup Polar Seafood'ip soqutigisai aporaatsinnissaat pinaveersaartassagaat.

Tamanna pissutigalugu akuersaarumangilarput, uagutsinni sulisup suliffeqarfiup aaqqissuussaananerani inissisimanani atornerluttassagaa, eqqunngitsumik, nammineq inuttut iluaqutissanik pissarsiniarsarissasoq imaluunniit suliffeqarfissuup Polar Seafood-ip soqutigisaanut akerliusunik illersuilluni iliuuseqassappat.

SULIATUT NAAMMASSISAVUT

Ileqqorlunneq nassuiaaserparput tatigisatut pissaanermik tigumiartoq, niuerpalaartumik inuttulluunniit namminerpiaq pissarsiasatut sunniiniarluni angusaqarniarluniluunniit, atornerluilluni iliuuseqarpat.

Ileqqorlunneq aningaasanut tunissutinulluunniit taamaallaat tunnganngilaq, tassami sullissinermut aamma tunngasuusinnaavoq – s.a. immikkut ittumik ajunnginnerusumillu pineqarneq, immikkut paarisaaneq, immikkut sippulimmik sullinneqarneq imaluunniit suliassaasut sivikinnerusumik suliarineqarnerat. Aamma tassaasinnaapput tunissutit aamma allatigut tunniussat, assinganik pineqarnissamik tiguisumut pisussaaffiliisut.

OECD-p 2011-meersup nunarsuarmioqatigiinni suliffeqarfissuarnut malittarisassartai naapertorlugit niuernitsinni imaluunniit niuernikkut attaveqaatitsinnut

tunngatillugu ileqqorlunermik pisoqariataarsinnaanerata eqeersimarluta ingerlaavartumik pinaveersaartinnissaa sulissutiginiartuassavarput.

Suliffeqarfissuarmi Polar Seafood-imi sulisut tamarmik ileqqorlunermik akiliilluniluunniit peqquserlutsitsisoqarpat suliffeqarfissuup pisortaanut nalunaaruteqarnissaq pisussaaffigaat. Piumasarivarput, niuernikkut atassuteqaativut tamarmik nunarsuarmioqatigiinni akisussaassuseqarluni suliffeqarfittut pissusilersuuteqarnissap minnerpaaffissatut tunngavissaa malinneqassasoq aamma taamaalilluni ileqqorlunermik pisoqariataarsinnaanera suliarisinnaassallugu ingerlaatsit pilersitaareersut aqquutigalugit, tamannalu pissusilersornissamut najoqquutassiatsinni (Code of Conduct) allaaserineqarpoq.

POLITIKKI ERSARISSEQ

Polar Seafood'imi qullersaqarfiup suliffeqarfissuuartut akisussaaffigaa, ileqqorlunermik akerlilersuilluni politikki ilisimaneqassasoq, suliffeqarfissuullu iluani niuernikkullu atassuteqaatitsinni malittarineqassasoq.

Suleqatissavut nutaat politikkerisatsinnik atorfininnerminni ilisimatinneqartarput, suleqatitta aqutsisuusut politikkerisap malittarisassartai najukkami ilisimallugillu tigussaasumik nakkutigissavaat, aamma ukiumut minnerpaamik ataasiarluta killiffitsinnik inernerinillu siulersuisunut nalunaaruteqartarpugut.

Akisussaaffippu ilumoorupparput aamma iliuuserisavut ersersinniartarpavut tamakkunatigut aaqqissuussinivut pinaveersaartitsineq siuneralugu pitsanngorsarniarluarlugit, ileqqorlunermik akerlilersorlugit sulinitsinni suliffeqarfissuatta iluani tamatuma nuanninngitsumik sunniutai maluginiartuarpavut ajortumillu pisoqarsimappat pitsanngorsaavigisarlugit.

Aalborg, ulloq 20.11.2023

Sinnerlugu Polar Seafood Greenland A/S

Michael Binzer

Miki Jonas Brøns

Sinnerlugu Polar Seafood Denmark A/S

Guðmundur Kristjánsson

Bent Salling